

D. D.
DISSERTATIO HISTORICO - POLITICA,
DE
IRRUPTIONE
SVECORUM
IN
HOLSATIAM,
DUCE THORSTENSONIO
FACTA,
QUAM
A FACULTATE PHILOSOPHICA APPROBATAM
PUBLICO EXAMINI MODESTE DEFERUNT,
AUCTOR
FRIDERICUS PRYSS
ET
RESPONDENS
ANDREAS TENGBLAD, INGEM. FIL.
WESTRO-GOTHUS,
DIE XV. APRIL. ANNO MDCCCLXI.
L. H. Q. A. M. S.

ABOÆ, Impress. JOHAN CHRISTOPHER FRENCKELL,

S:æ R:æ

MAXIMÆ, MAGNÆ

VI-

Illustrissimo & Generosissimo DOMINO,

D:NO A D A M O
FREDENSTJERNA,

Sup. Judicij M. Duc. Finl. PRÆSIDI
Gravissimo,

Nec

CONSILIARIIS &

Nobilissimis,
MÆCENATIBUS

Maximis,

NE mihi succenseatis, MÆCENATES & PA-
limina aditum sibi querere audeat incultior
recundo incedit gressu. Metuit enim, ne VOBIS,
curarum mole quotidie distinemini, molestiam pa-
redit, VESTRA, quam omnes suspiciunt, singu-
res. Adspiciatis igitur, supplex oro, me ad aram
fæventissima, atque Dissertationem hancce, Tantis
cram esse patiamini. Sic ego pro omnigena VE-
STRA fundere vota, nunquam desistam. Perman-
Generosissimorum, Nobilissimorumque

Cultor de-
ANDREAS.

M:TIS
& SPECTATÆ FIDEI
RIS,

Perillustri & Generosissimo DOMINO,

D:NO JOHANNI
LAGERFLYCHT,

Sup. Jud. M. Duc. Finl. V. PRÆSIDI Adcuratissimo,
EQUITI Aurato de Stella Polari.

NON

ADSESSORIBUS,

Consultissimis,

& PATRONIS

Benignissimis,

TRONI Benignissimi, quod ad sancta VESTRA
mea Musa. Inter Ipen metumque fluctuans ve-
divæ Themidos Tutoribus qui maxima-
riat. At metum extenuat, ipsamque alacriorem
laris Gratia erga ingenuos artium liberalium culto-
Gratia VESTRÆ properantem, fronte, ut soletis,
PATRONIS dignam, Nominibus VESTRIS sa-
STRA felicitate, in Pylios annos duratura, calidis-
surus

NOMINUM VESTRORUM

votissimus,

TENGBLAD.

A MONSIEUR
CHARLES GEORGE
LILLIE,

Major au Regiment d' Infanterie, Et Chevalier de
l' Ordre de l' Epée,
MONSIEUR,

IL se présente aujourd'hui l' occasion la plus favorable de marquer à mes Bienfaiteurs la reconnaissance, que je Leurs dois. Monsieur Vous êtes un des Principaux de ce rang, qui ne avez généreusement accablé de bienfaits non seulement pendant mes agréables séjours auprès de Vous, mais aussi plusieurs fois depuis ce tems-là. Aussi je ne saurois me dispenser de Vous présenter cet Ouvrage Académique, que je viens de soutenir. Agréez donc Monsieur, je Vous en supplie, cette petite offrande comme une marque, quoique très foible, de la plus parfaite reconnaissance. Il ne me reste, qu'à prier Le Tout-Puissant, qu'il daigne accorder à Vous, Monsieur, à Madame la Comtesse & à toute Votre illustre Famille, toutes sortes de prosperités désirables. Ces sont des Vœux ardents, dont si occupera un cœur, qui Vous sera dévoué jusqu'à derniers soupirs. Je suis avec la plus profonde vénération

MONSIEUR

Votre très humble & très obéissant
serviteur

ANDRES TENGBLAD.

VIRIS.

Admodum Reverendis atque Praeclarissimis

D:no Mag: JOH. T. HELSTADIO,
PASTORI in Lyrestad meritissimo, Adjacentisque:
Districtus PRÆPOSITO dexterrimo.

D:no Mag: AXELIO PET. LUTH,
PRÆPOSITO & PASTORI in Elistad.
dignissimo,

D:no Mag. SV. A. FÆGERSTEN,
PASTORI in Hellstad Adecuratissimo,
AVUNCULORUM loco nullo non tempore suspi-
ciendis, cotendis.

Illuxit tandem dies multis expeditus votis, quo pluri-
ma benigitatis Vestre in me propense cumulata do-
cumenta, publice agnoscere liceat. Cum vero plura sint,
quam ut numerum eorum intire queam, præstat tacito,
sed devoto pectore eadem premere, quam jejune cele-
brando, lucem, quam meruerunt nitidissimam, obscura-
re. In tesseram tamen gratissime mentis, quam red-
hostimenti loco Vobis offero, præsentem Dissertationem,
alieno licet Marte elucubratam, sacram Vobis facere
volui, debui. Faxit summus rerum Arbiter, ut in
Ecclesie emolumentum certissimum Vestrorumque sola-
tium exoptatissimum perdiu vivatis, vigeatis, floreatis!
Sic ardenti pectore voveo, ad urnam permansurus.

Admodum Reverendorum atque Praeclarissimorum.

NOMINUM VSTRORUM.

bumillimus Culor
ANDREAS TENGBLAD.

Plurimum Reverendo atque Clarissimo
D: NO CHRIS TIEKNO
BRANDELI O,
Ecclesiæ, quæ Deo in Ullervad & Ek colligitur, Com-
ministro meritissimo,
PARENTI CARISSIMO.

Terra licet gremio concludat pondera multa,
Cuncta sed ingratus pondere vincit homo.
Munera nam recipit, sed pectore cuncta recondit
Ingrato, verum reddere nulla studet.
Hæc ego, dum memini, vereor ne crimine tali
Commaculer, grates reddere qui nequeam.
Dinumerent alii, celebrent beneficia Parentum,
Non constant numero maxima dona Patris.
Namque mihi vestes alimentaque suppeditavit,
Et quarum indigui defuit usque nihil.
Te Duce, nam didici Musarum volvere pensa,
Virtutis lautas deliciasque sequi.
Ait ego quid referam? Qui tot beneficia rependa n?
Usque piam mentem suscipe Care Pater.
Te semper maneant, vovo, felicia fata,
Absint & semper cuncta sinistra procul!
Vivas & nobis multos per Nestoris annos,
Denique grandævus limina scande Poli!
PARENTIS DILECTISSIMI

Filius obedientissimus,
ANDREAS TENGBLAD.

I. N. J.

PRÆFATIO.



Magnas rerum conversiones, magna
plerumque antecedunt præfigia, nec
nisi post varios, eosdemque vehemen-
tes, motus ad placidam quietem, ubi
semel commota fuerit, reducitur atmosphæra; quid
igitur mirum, nulla adhuc tempora extitisse tur-
bulentiora illis, quæ inclytam illam pacem West-
phalianam quam proxime præcesserint; in qua sci-
licet, discussis ignorantiae nebulis, Systema Europæ
politicum, uti firmum & stabile, ita & magis uni-
versale, constitutum novimus. Religio, qua vix da-
tur aliud quidquam ad animos mortalium commo-
vendos efficacius, prima jecerat discordiarum se-
mina, quæ postmodum incredibile quantum fovit
& auxit habendi ac imperandi libido; adeo ut tot
populi bello distenti, quibus ceteroquin nihil sere
commune erat, in eo tamen conspiraverint, ut pro
religione & libertate singuli dimicaverint. Erat i-
gitur per integrum orbem nostrum velut fermentatio

A

genera-

generalis: ad arma ruerant populi, atque de adserendis suis juribus vindicandisque ignominiis loquebantur Principes; sed, quod mireris, in generali adeo omnium motu, pauci, quo vellent, ipsi sciebant, paucissimi rationem fini obtinendo aptissimam, debita prudentia eligere didicerant. Hispani, quibus ex amplissima monarchia, praeter nomen & memoriam vix aliud supererat, incredibili contumacia, infelici bello occupabantur, eam unice ob causam, quod ignominiæ sibi ducerent, victos fese fateri a populo, quem vincere se posse, jani jam desperabant. Galli mutuis debilitati inimicitij, & civilibus jaetati fluctibus, nec non longinquis fatigati bellis, vix magni Richelii & Mazarini industria, avitam tuebantur gentis gloriam. Angli, potentiam Principis sui intra justos limites redacturi, omnes transgressi sunt æQUITATIS & JUSTITIAE cancellos; infelicique probarunt exemplo, quam difficile sit in turbato reipublicæ statu cavere, ne summum jus summa interdum evadat injuria. Nec vero mitior rerum in septemtrione facies. Svetia tribus, eisdemque continuis, bellis vexata, vix in Regis sui sagacitate, populique invicta fortitudine inveniebat, quod tot potentibus simul opponeret hostibus. Contra ea Moschovitarum gens, Europæ populis haec tenus fere ignota, Polonorum machinationibus & Pseudo-Demetriorum factionibus, penitus exhausta vel miseria sua inclarescere cœpit. Accedebat vero omnibus his Europæ malis illud gravissimum, quod Germania, istud cultissimarum gentium domicilium, ci
vili

vilis belli incendio penitus fere conflagraverat. Imperatores namque ex domo Austriaca orti, potentia sua tumidi, in libero hoc imperio amplissima exercebant illimitatae potentiae jura; atque ut armorum vi omnia se effecturos putabant, ita nihil minus, quam universale n^{on} meditabantur orbis Christiani monarchiam. In tanta rerum omnium confusione, haud sine insigni admiratione totius Europæ, caput super reliquas erigere cœpit Svecorum gens; quæ, devictis tandem Moschovitis, domitisque Polonis, ambitionis Imperatorum Germanicorum con*i*is obviam ire, atque immanem eorum potentia n^{on} intra justos iterum coercere æquitatis cancellos sustinuit. Quemadmodum vero umbra corpus, ita quoque mordax grandia facta sequitur invidia; quod quam verum sit, sole meridiano clarius testatum fecit non nullorum fœ*e* atorum perfidia; qui, gloriam generosi adeo facti liberatoribus suis invidentes, progressibus eorum quo demum cunque modo possent, remoras necesse haud dubitarunt. Hoc cum de illis valeat, quibus magnitudo tam periculi imminentis, quam beneficii accepti e memoria nondum exciderat, quid mirum, Danos, uti fortitudinis gentis nostræ perpetuo æmullos, ita gloriae & felicitatis quondam invidos, non nisi lippis oculis stupendos Svecorum progressus ea tempestate aspexisse? Constituerunt itaque laureas, quas Sveci contra ipsorum aliorumque populorum opinionem reportaverant, in ipsa bellorum alea illis eripere; simul vero, ubi variis modis, variisque motibus nostrorum excitaverant indignationem, ulterius

procedentes, atque quid in animo gererent palam
 professi, bellum minati, sed ipsi tamen inopinatae
 prius lacescisti, armis Svecorum penitus succubuerunt.
 Scilicet cum Svecis abunde contaret, bellum cum
 Danis inevitabile instare, nisi ultra e Germania se-
 cedere, fructusque victoriarum suarum pro derelictis
 habere vellent; cumque laesiones & injuriæ a Danis
 nobis illatae eum jam attigissent gradum, ut neque
 salvo regni honore ferri, nec integra civium & im-
 perii felicitate amplius tolerari possent; jura sua vi
 ab insultibus Danorum vindicare decernunt Ordines
 Regni Anno 1643 Holmiae congregati, tempus si-
 mul reliquaque belli circumstantias, Reginæ arbi-
 trio relinquentes (a). Præterat vero iisdem tempo-
 ribus exercitibus Svecorum in Germania Mars ille
 Gothorum Torstensonius, cuius uti jam antea o-
 mnibus sese probatam fecerat prudentia atque saga-
 citas, ita hunc quoque jam potissimum eligere vo-
 luit Regina, qui novo huic bello Dux præficeretur.
 Quemadmodum vero hic, communicatis antea cum
 Regina consiliis, instructis copiis, provinciis Dano-
 rum jam dudum instabat, ita nec occasionem dimisit,
 sed cognito Ordinum Regni Reginæque decreto,
 fluvii instar vehementis, Holsatiæ inundavit; ur-
 bes & munimenta, partim primo impetu, partim
 etiam renovatis oppugnationibus, in suam potesta-
 tem redigens. Prout vero dissimulando optime res
 nostræ adhuc processerant, ita nec direkte adeo pro-
 posatum suum statim testatum fecit, ut non locus
 adhuc adversariis credendi concederetur, Svecos ni-
 hil

3

hil aliud agere, quam ut tuta sibi quærant hibernacula; donec tandem ineunte Anno 1644 aperta subsequeretur belli indictio (*b*), rationes simul prohibens gravissimas, quibus permoti Sveci ad arma capescenda, nolentes volentes coacti fuerant. Quantam invidiam atque quot sinistra judicia hoc bellum Svecis promeruerit, neminem nisi historiæ recentioris ævi plane rudem latere potest. Cum vero non tantum Danici scriptores, sed alii quoque, quos a partium studio vacuos esse deceret (*c*), injustitiæ nos propter hoc factum sæpius arguant, haud abs re alienum nobis visum est, quæ his iniquis sententiis juste reponi & possint & debeant paucis exponere. Te simul B. L. qua par est observantia rogantes, velis præfentes æquitatis Svecorum qualescumque vindicias, æqui bonique consulere.

A 3. §. I. Utinam

(*a*) Puffendorf, Comment. De Reb. Svec. Libr. XV. §. 87. (*b*) Holberg Dan. Riges Hist. T. II. p. 842. (*c*) Inter hos merito notandus Gallicus Scriptor Vauciennes in libro, cui titulus Memoires tirés des dépêches de Chanut T. I. p. I. &c. cujus verba vel ob stili acerbitudinem hic adferimus: *Pendant que tous les Princes de l' Europe étoient assemblés à Munster, pour rendre la paix à l' Allemagne & terminer une guerre qui l' avoit défolée depuis trente ans, la Suede, enflée par les victoires & les heureux succès qu' elle avoit eu, s' imaginait que tout lui étoit permis, & que les moindres soupçons que tué donnoient ses voisins, suffissoient pour les trahir à ennemis. Sur ce fondement elle fit entrer de l' improvisé une Armée dans le Danoemark, & comme elle surprit ces Provinces, qui n' y songeoient pas, elle y jeta l' épouvante, & y fit un peu de tems des grands progrès,*

§. I.

Uti ex omnibus animantibus nullum ad mutuam felicitatem vel promovendam vel turbandam homine aptius, ita nec ullos sibi magis prodeesse vel obesse posse, quam qui communibus utuntur limitibus, extra omnem positum est dubitationis aleam. Quemadmodum vero depravata omnino est mortaliū indoles, adeo ut cum aliorum etiam detrimento, commoda sua promovere haud raro studeant, accedente in primis potentiae incremento, quo sibi immunitatem injuriæ illatæ pollicentur; sic cautelas contra vicinorum insultus sollicite adhibere, uti more jam firmavit necessitas, ita primum mortales edocuit tenebris se suosque conservandi affectus. Prout vero iniquum & nefando systemati Hobbesiano omnino conveniens esset, aliorum temere turbare felicitatem, ne nostra ab illis prius convellatur; ita nec hæ cautelæ alium in finem adhiberi debent, quam ut pax & securitas sarta teatque maneant. Unde prono statim fluit alveo, ab eorum natura quam maxime abhorrente, illas eo usque extendi, ut machinationes & quævis consilia, in perniciem vicinorum tendentia, sub se complectantur. Porro, ut media fini intento semper proportionata esse debent, ita necesse est, ut cautelarum quoque dentur modi & gradus, cum ceteroquin facile fieri possit, ut nobis prospicientes, securitatem aliorum, etiam vi non illata, turbemus. Ut taceam difficile admodum esse, ab ejusmodi cautelis, extra omnem modum continuatis, nequitiæ & insidiarum suspicionem removere. His

jam

jam præmissis, dispiciendum venit, num variis illi
 motus, quibus per integrum istud tempus, quo vi-
 tricia sua arma per Germaniam circumtulerant Sve-
 ci, Dani distinebantur, pro innocuis adeo cautelis ha-
 beri queant, ut iisdem nihil aliud quæsiverint, quam
 ut propriam securitatem extra omnem teli jaustum col-
 locarent. Eratigitur Svecis hoc tempore cum Polono
 incerta pax, cum Cæsare certum idemque simul quam
 maxime anceps bellum, incerta fortuna, lubrica
 foederatorum fides; quibus si addas regnum diutino
 bello, ære militibusque exhaustum, facile colliges,
 Svecos ea tempestate nullam omnino justam timoris
 causam Dano præbere potuisse. In Daniam vero
 jam transfretantes, ibi arma undique circumferri,
 militem scribi, & omnia ad bellum parari deprehendi-
 mus, licet quis hostis esset, aut quorsum hi tenderent
 adparatus, nemo hariolari posset (*a*). Dicat vero
 quispiam, omnia hæc molimina ad coercendam Ham-
 burgorum arrogantiam tetendisse (*b*); plures tamen
 sese offerunt rationes, quæ Svecos his petitos fuisse
 confirmant. Si enim vel illud omittamus, licet idem
 haud omnino omittendum sit, quod Dani partim
 altam pacem, partim etiam fidam amicitiam cum o-
 mnibus circumiacentibus populis colentes, contra
 nullam aliam gentem bellum moliri potuerint; vel
 inde tamen nostra corroboratur opinio, quod non
 tantum Regem Daniæ belli gerendi quam maxime
 cupidum esse, testatus sit Bauduinus, Polonorum in
 Dania legatus (*c*), verum insuper ipse Christiernus
 IV, se cum Svecis serius ocyus collisurum palam pro-
 fessus

fessus sit (*d*). Sic itaque, discussis dubitationum nebulis, ultro sese nobis conspicienda præbent Danorum arcana Politica, &c, quæ ab illis pro cautelis quam maxime innocuis vulgo venditari solent, revera nihil aliud sunt, quam iniqui affectus documenta, quo felicitatem aliorum injuste turbatum iverunt. Accedit vero huic sententiæ egregium vel inde robur, quod ut nihil aliud bellum retardare dixerit idem, cuius modo mentionem fecimus, Bauduſius, quam ut Rex Daniæ ordinum regni suffragia obtineret (*e*); ita nec nisi post comitia, Anno 1642. Hafniæ in Februario habita, debito fervore processerint belli adparatus (*f*). Solent vero Dani inter alia argumenta, hoc in primis ad suam causam palliendam adducere, quod scilicet istud, cuius nos eos arguimus, clandestinum odium, cum candore, quo fidem Svecis ad Nordlingam prostratis, & postmodum quoque saepius nconstanti fortuna luctantibus, inviolatam servaverint, simul constare non possit (*g*). Hoc autem argumento, licet in se quam maxime specioso, neminem moveri confidimus, nisi sagacissimi ingenii Christierni omnino ignarum. Intelligebat namque Princeps acutissimus, quod, si iis temporibus a partibus Cæsareorum sese collocaverat, omnis statim inter belligerantes sublata fuisset virium æqualitas, quo libertas Germaniæ, non minus quam religio Evangelica, in idem facile incurrere potuissent periculum, a quo non ita pridem tot tantisque Svecorum studiis fuissent liberatae. Intererat autem Danorum, ut Sveci & Cæsarei mutuis sese contererent præliis, partim ne

potentia alterutrius illis olim timenda evaderet, par-
tim etiam ut ubi ad pacem perventum fuerat; eo
facilius & gloriam & præmium liberatæ Germaniæ
sibi adserere possent. Hoc satis superque inde col-
ligi potest, quodcum, durante bello Germanico, nun-
quam magis quieti fuerint Dani, quam ubi, mor-
tuο GUSTAVO ADOLPHO, omnia Svecis adver-
sa viderent (*b*), simul vero nunquam magis hisce
rebus intenti, quam ubi, bello prope modum ad fi-
nem redacto, in eo omnes essent, ut pacis condi-
tionibus ultimam admoverent manum, ipsi hoc ar-
tificio demonstraverint, se sub umbra publici com-
modi, privato tantum litare voluisse. Nec vero
multum difficultatis nobis parit illa objectio, qua
ex rapidis Torstensonii progressibus demonstra-
tri solet, Danos alma pace fruentes, nihil hostile me-
ditatos fuisse. Si enim omnia ea, quæ vel Du-
cis hujus tribuenda sunt prudentiæ, non minus
quam ita, quæ militis Svecani fortitudo ulro sibi
vindicat, silentio essent prætereunda, nihil tamen
aliud hæc demonstrat propositio, quam quod Dani,
ad aggrediendum parati, fulmina in Svecos dire-
cta, ab his vero opportune retorta, ipsi excipere
sunt coacti; tristi sic exemplo antiquum illum pro-
bantes canonem, hostem utut impotentem haud qua-
quam esse contemnendum.

(a) Holberg. Danmarks Riges Hist. T. II. p. 829. &
30. (b) Puffend. Comment. De Reb. Svec. Libr. XV. §. 77.

(c) Idem. Libr. cit. §. 75. (d) Idem Libr. cit. §. 77. (e) Id.
Libr.

Libr. cit. §. 75. (f) Holberg loc. supra cit. (g) Idem Libr. cit. T. II. p. 834. & 36. (h) Arckenholtz Memoires de Christine T. I. p. 22.

§. II.

EVoluta sic prima quæstione, ad reliquas quoque enucleandas, sensim jam nobis viam pandimus; atque quemadmodum motus Danorum interni, pro innocuis cautelis, ad conservationem sui unice tendentibus, ita omnino haberi non possint, ut potius ad tollenda præmia, ob publicam libertatem tricennali bello defensam nobis debita, conspiraverint, eeu modo a nobis satis, ut existimamus, evictum fuit, ita vel hinc quid de foederibus cum Svetiæ hostibus vel palam vel clanculum initis, haberi debeat, facile colligi potest. Prius vero, quam nobis ulterius progredi liceat, necesse est, illud removere obstaculum, quo omnia ceteroquin nostra ratiocinia se facile eludere posse existimant dissentientes. Nervus igitur argumentorum, quibus tanto successu erga nos utuntur, eo imprimis redit, quod sibi licitum fuisse existiment, foedera cum Principe quocunque, etiam Svecis inimico, pangere, quamdiu demonstrari non posset, hæc in nostram tendere perniciem (a). Speciosa certe rationandi methodus, sed quæ argutiis uteunque munita, in ipsa rerum natura fundamentum habere nequit. Etenim quo demum cuncte modo calculos subducere velimus, inconcussum tamen manebit, foedera inter Principes nunquam iniri, nisi quæ ad securitatem mutuaque commoda invicem.

cem promovenda conducant, cum ceteroquin va-
 na prorsus essent, inutilia atque pro verborum lu-
 sibus unice habenda. Hinc vero sequitur, quod qui
 fœdus cum Principe quounque inierit, atque sic se
 ad commoda ejus promovenda oblinxerit, simul
 quoque ad vires illi directe vel indirecte submini-
 strandas obligetur, quibus cum ille necessario con-
 tra hostem suum utatur; palam est, hunc isto pa-
 cto quam maxime lædi. Non equidem negamus,
 populos, qui neutri parti in bello sunt addicti, cum u-
 troque simul belligerantium commercia exercere,
 atque amicè vivere posse; sed præterquam, quod &
 tum omnia ut circumspecte fiant, expresse non ra-
 ro cautum esse soleat, ne tales merces in commer-
 cio veniant, quarum in bello peculiaris est usus,
 ita simul observandum, neutralitatem hanc tunc
 statim cessare, quamprimum inter neutrales & al-
 terutrum litigantium exactius accedat amicitiae vin-
 culum. Sed quid opus est, ut multi simus in con-
 vellendo principio in se utut admodum iniquo, sed
 quo tamen vel maxime posito, parum omnino lu-
 crati fuissent Dani, utpote qui nedum conditio-
 nem illam, sub qua tantum id firmum existimant,
 satis tueri valeant? Evincit vero huius asserti ve-
 ritatem vel illa inter Daniae Hispaniæque Regem
 confœderatio, quam plurimorum auctorum testi-
 moniis confirmatam nedum ipse, utut vellet, vanam
 pronunciare ausus est illustris Holbergius (b). Erat
 vero hujus ea indeoles, ut Hispani Danique con-
 junctis viribus Svetiam aggrederentur, instructaque

classe impedirent, ne auxilia e Germania venirent; qua ratione patriam nostram facile se oppressuros fore existimabant. Spem vero ita eventus fecellit, ut, classe Hispanorum a Belgis sub auspiciis Martini Trorup victa & dissipata, omnia quoque simus in cassum iverint ambitiosa Danorum conamina. Sed hæc tamen, utpote minus tunc nota, atque inter arcana negotiations merito referenda, non ita multum Svecis suspecta esse potuerunt; quin potius crebræ illæ ad Polonos Russosque legationes, singulari prorsus modo Nostrorum excitarent attentionem, utpote quæ præsentius malum nobis portendere videbantur. Obversabatur enim Svecorum oculis, non modo illud privatum utriusque populi in nosmet odium, verum & illud, quod cum Dania commune haberent, propterea quod singulorum æqualiter interesset, ne in nimium accresceret Svecorum potentia. Nec tamen ita solis suspicioribus innituntur nostra ratiocinia, ut non graviores etiam rationes in medium proferre valeamus. Commemorat igitur Puffendorfius, historicus, si quis alius, certe maxima fide dignus, Legatum e Polonia in Daniam missum, litteris fiduciariis non tantum a Rege instructum, sed a proceribus quoque variis, Sveco infestissimis (c). Quibus verbis satis evincitur superque, hanc legationem nobis perquam fuisse adversam. Nihilo tamen minus hic in Dania ita fuit exceptus, ut eundem gratissimum fuisse comprehendamus; namque non una vice, sed sæpius colloquio Regis non publico tantum, sed privato &

maxi-

maxime familiariter dignatus est (d). Sed neque dominum vacuam fuisse Danorum cum Russis renovatam amicitiam; vel hinc patet, quod Legati cum Comite Waldemaro in Moschoviam missi, simul quoque in commissis habuerint, ut non tantum Poloniae Regem certiores ficerent, ipsi neque nunc neque in posterum ex hac confederazione quidquam timendum esse; verum etiam expresse eum admonerent, praesidium ipsi potius circumponi, ubi ad certamen cum Svecis per ventum fuisset (e). Præterea quis sibi unquam persuadere posset, Principem gloriae a deo avidum, ac fuit Christiernus IV, ita in omnibus ad nutum legatorum Czari fese gessisse, ac eum fecisse novimus (f), nisi aliae fuissent majoris momenti rationes, quæ eum ad conservandam Russorum amicitiam permoverant; adeo ut valde probabile sit, res primum eo modo dispositas fuisse, ac ista indicant verba Bauduissi: pacem statim in Germania fore, ubi Poloni, Dani & Russi, diversis locis Svebiam invaderent (g). Quid? quod & istud tandem haud sua destituatur probabilitate, conditiones, quas Polono fecit Legatus Cæsareus, Comes Starenbergius, ut scilicet prætentionem suam in Svebiam accepta refusione, Dano transcriberet, sicut Dani factam fuisse, in primis cum non tantum omnes circumstantiae hoc innuere videantur, sed & effatum probet ipsius Starenbergii, Danum iterum suum ius, Comiti Valdemaro, futuro Czari generi, fore comissurum (h), atque sic haec ipsa evaderent opera spolia, quibus Russus in bellum contra Svecos aliceretur.

- (a) Holberg. Dan. Rig. Hist. T. II. p. 842. (b) Id.
 Libr. cit. p. 805. (c) Com. De Reb. Svec. Libr. XV. §. 75.
 (d) Idem Libr. cit. §§. 75. & 77. (e) Idem Libr. cit. §. 78.
 (f) Holberg. Libr. cit. p. 827. (g) Puffend. Com. De Reb.
 Svec. Libr. XV. §. 76. (h) Id. Libr. cit. §. 75.

§. III.

Quemadmodum bellum nunquam minori periculo, majorique geri successu, quam ubi in hostium ditiones illud translatum fuerit, plurima demonstrant exempla; ita simul, invictos ceteroquin populos, facili omnino domitos fuisse negotio, ubi civilis belli incendio in ipsis eorum visceribus excitato, propriis corruerint armis, omnium temporum satis superque probant historiæ. Transeat Hannibal Alpes, atque in medio Italiæ cruentos reportet triumphos, quamdiu discordias, malorum omnium fomites atque matrices, inter Carthaginenses fovent aluntque Romani, parum omnino efficiet, sed tot tantarumque gentium victor, ipse tandem vixius, leges, a Scipione sibi latae, accipere cogetur. Hæc & similia secum meditati Dani, omnes conatus suos vanos judicarunt, nisi in ipso Svethiæ regno, machinationibus suis dissensiones excitare valerent; hoc vero facto, se palmas, quas sibi destinaverant, facile obtenturos, protinus suspicabantur. Talia vero molientibus nec occasio de- erat. Versabatur namque circa hæc tempora adhuc in Svethia, Régina, magni GUSTAVI conjux & vi- dua, quam uti Regni præfectibus, non minus quam natio-

nationi Svecanæ infestam omnes jam noverant (*a*) ; ita ipsam in suas perducere partes, ambitiose quæsi- verunt Dani. Ne vero quid his conaminibus deesset, profanare insuper sanctissima Gentium jura, legatorumque illibato candore abuti non dubitarunt. Qui igitur ad amicitiam inter ambo Regna alienam, tunc temporis aderat Petrus Vibe, his quoque simul vacaret clandestinis cum Regina commerciis. Meditabatur autem illa evasionem e patria, atque cum hunc in finem Danorum indigeret auxiliis, hos neque actionis gravitas, neque vindicta offensi populi, certissime insecurita, impedire potuerunt, quo minus Reginæ, insciis illis, penes quos tum summa erat potestas, regnum relinquenti, primum auxilio essent, mox vero perfugam apud se reciperent. Insurgunt hic Dani, atque nihil se fecisse contendunt, nisi quod hospitalitati, decoro & memoriae tandem magni GUSTAVI summo jure deberetur (*b*), quodque præterea Svecis nullo modo noxiū & perniciōsum esse potuerit. Immeriti sic equidem huic actioni adduntur colores, justas autem supprimere querelas haud facile adeo opus est, neque verborum apparatu, ut maxime eleganti & artificiose, quidquam evincitur, ubi contrarium aperte loquuntur ipsa rerum testimonia. Etenim quamprimum hanc rem attentius considerare velimus ; facile patet, curam Danorum circa hoc factum multo magis sese extendere, quam ut sub hospitalitatis officiis comprehendī possit. Primum itaque, præeunte illustri Svecano Hi-

no Historico (c), observamus, errorem a Danis committi, ubi se nihil aliud fecisse adserunt, quam quod Reginam, ubi in Scaniam sese receperat, inde in Daniam transtulerint, cum tamen eam Ny-copia evasisse atque hinc dudum ab illis receptam fuisse sciamus. Porro, quemadmodum hoc iter, præmeditatis inter Danos & Reginam consiliis suscepimus fuisse, omnes probant circumstantiæ; ita simul ubi clandestinum consideremus evadendi modum, eum parum honoris magni GUSTAVI memoriaræ attulisse haud difficulter intelligimus, adeo ut, si juxta principia decori actum hunc metiri veniamus, parum omnino ad suam defensionem jure afferent adversarii nostri. Sed neque exigui adeo momenti fuit hæc res, ut illam æquo animo ferre potuerint Sveci. Primo enim aperta erat læsio, quod internis Svecorum rebus Dani sic semet nimis immiscerent, in quas tamen populi circumiacentes, nullo titulo jus sibi adserere possunt, & quarum rationem Deo soli reddere tenentur gentes, ab aliarum potestate immunes. Accedit huic injuriæ aliis exinde cumulus, quod Regina animum minus propensum in Svecos, saepius jam manifestaverat, adeoque merito timendum erat, ne jam, extra regnum constituta, nova moliendo, securitatem imperii aliquo modo turbaret. Absint a nobis omnia iniqua judicia, neque ubi de veritate agitur quidquam aliud urgemos, quam quod ex ipso facto ejusque circumstantiis justa consequentia deduci queat. Quamvis itaque negari nequeat, actum hunc obfluctu-

fluctuantem regni statum Svecis primo obtutu, majoris momenti visum fuisse, quam revera fuerit; tamen ab altera parte eum aliquid in recessu habuisse, haudquaquam dubitandum est. Ponamus itaque, hos apparatus ideo tantum susceptos fuisse, ut Christiernus IV Reginæ viduæ auxilio efficeret, ut Christina Svethiæ Regina, Filio ejus Friderico in matrimonium locaretur (*d*). Rem ita actu comparatam fuisse, ex variis circumstantiis saltem probabilius colligimus, adeo ut plurimorum Auctorum testimoniis & illud superaccedat, quod revera hæc propositio a Dano Svecis antea facta fuerit. Ponamus vero, ut diximus, hoc ita fuisse, num sic æquior evadet ipsa actio? Minime gentium. Erat etenim penes Svecos Reginæ suæ ita consulere, ut Regni civiumque commodis simul prospiceretur. Fuerunt autem præter alias rationes, quæ istud connubium dissuadere possent, & illa, quod facile fieri posset, quemadmodum non multo post etiam factum novimus, ut Daniæ quoque Regnum in ejusdem Principis potentiam pervenerit; atque sic tria iterum conjuncta fuissent septentrionis imperia, quales conjunctiones uti in genere tam populo, quam Principi noxiæ, omnium temporum demonstrant historiæ, ita Svecis in primis parum proficuas esse, lugubris quondam docuit experientia.

(a) Puffendorf. Com. De Reb. Svec. Libr. XI. §. 2. Item De Reb. Brand. Libr. I. §. 34. Item Memoires de Chanut.
 (b) Holb. D. R. Hist. T. II. p. 844. (c) Arckenholtz Memoires de Christine T. I. p. 62. in not. (d) Puffendorf.

de' Rebus Brandenb. Libr. I. S. 37. fin. Item Holberg. D.
R. Hist. T. I. S. 822.

§. IV.

QUæ hactenus adduximus argumenta satis probant superque, acerbitatem inter utraque regna eo usque jam processisse, ut spes, ortas controversias amica via componendi, amplius superesset nulla. Quemadmodum vero Svecorum salutis omnino postulabat, ut justissimas querelas simulando, tempus aliquantulum trahere possent, ne duobus simul gravibus obruerentur bellis; ita nec quidquam Danis curæ cordique magis fuit, quam ut vires sensim sensimque nobis surripiendo, jam e longinquò certam fibi pararent victoriam. Certissima hunc finem obtainendi ratio erat, si commercia, ista tutissima reipublicæ fulcra, in Svetia vero jam jam nascentia, turbare, atque in ipsa quasi herba suffocare possent, antequam diutius continuata, justam maturitatem attingere valerent. Vindicaverant autem fibi Dani, ab ipsa natura ad vires maritimæ acquirendas nati, sed quo jure dispiciant alii, dominium maris Baltici, cui tutando aptissima erat Oresunda, quæ instar clavis est, qua interclusa, sponte quasi sua, commercia per septentrionem torpescunt. Erat vero inter utraque, Svecorum scilicet & Danorum Regna, ita his temporibus stabilitum, ut immunitate vestigialium Oresundicorum gaudenter Sveci, nec ad quidquam aliud, nisi quod se Svecos esse probarent, tenerentur. Plana hic omnia erant, pristinamque in fœderibus pangendis simpli-

simplicitatem redolentia, nec tamen propterea ad omnes cavillationes reprimendas adhuc satis apta. Certificationes quælibet infirma erant adminicula, ubi nodi dissentionum in quovis negotio quæreban-
 tur; adeo ut nulla evidentiæ earundem ratione habita, testimoniiis insuper ad nutum Danorum excogita-
 tis, coram tribunali perpetuo essent & examinandæ &
 confirmandæ (4). Transeant, quæ alperversis judici-
 bus merito erant timenda, neque juri ipsius facti diu
 apprehendamus, temporis tantum jacturam, commerciis
 pernicioſiſſimam, contemplemur, & sic remoras Na-
 varchis Svecorum nexas, quavis injuria majores ju-
 dicabit quilibet æquus rerum æstimator. Est vero i-
 gnominiaæ horror profunde adeo animis mortalium
 infixus, ut quodcunque agant, semper tamen studeant,
 justitiæ speciem præ se ferre. Nec vero hujus fuso
 actiones suas obducere negligebant Dani. Urgebant
 etenim Svecos pactis abuti, justa Regni ipsorum
 vectigalia surripere, atque exteris, præcipue vero Bel-
 gis, certificationes hunc in finem concedere; quod uti
 ex variis testimoniis, ita vel hinc maxime colligi pos-
 se existimabant, quod cum tenuia admodum isto tem-
 pore adhuc essent Svecorum commercia, haud un-
 quam eorum opes, tot navibus sustentandis sufficere
 potuerint. Nec vero inepte omnino hæc ab illis ad-
 ducebantur, cum revera pauciores essent Svecorum
 opes, quam ut omnibus transvehendis mercibus in-
 digenæ sufficerent naviculæ. Sed, hoc vel maxime
 concessio, æquitas adserti ipsorum nequaquam est de-
 monstrata, Sensus etenim ipsius fœderis nunquam

stricte adeo explicari potest, ut immunitas vestigialium
 de illis tantum valeret mercibus, quæ propriis ve-
 herentur navibus, quin potius ad eas quoque exten-
 di debuit, quæ mercenariis naviculis imponebantur,
 in primis cum navium consideratio hoc loco sit omnino
 indeterminata, neque ipsam naturam negotii substra-
 ti ingrediatur. Ut taceam, suspicionibus potius quam
 fide dignis testimoniosis illud inniti, quod certificationes
 exteris ad laedendos Danos unquam concederint Sve-
 cani mercatores (b). Quod si vero nonnunquam esset
 factum, privatorum culpa non publica auctoritate con-
 tigit, pro qua propterea, omnes omnino, ita ut fa-
 ctum novimus, poena mulctari non debuerint. Erat
 vero & aliud argumentum, quo in nostram perni-
 ciem utebantur Dani, quod scilicet Svecos commer-
 cia illicita exercere contenderent, quæ cohibendi ju-
 re se gaudere, nulli dubitabant. Est autem mercatu-
 ra illicita duplicitis generis, adeo ut vel e Regno ab
 exteris efferantur, quæ vel propriis civium usibus
 vix sufficient, vel domi prius excoli, nec rudes ex-
 portari, populi alicujus intersit, atque quas vel pro-
 pter has vel alias quoque plures rationes e provin-
 ciis efferri leges prohibeant. Hujus generis ex. gr.
 est illud Anglorum commercium in America, cum
 ligno tintorio Campege dictum. Vel etiam talia sunt,
 ut merces vetitas in Regnum introducant, quales
 sunt in patria varia luxuriæ orientalis adminicula;
 neutrum vero hic locum habuisse, paucis demonstra-
 bitur. Etenim quemadmodum commercia Svecorum
 his temporibus, dum in prima velut fuerunt infantia, nullo
 modo

modo cum florente reliquorum populorum mercatura
comparari possunt, ita multo minus illud attingere po-
tuerunt superpondium, ut mercatura nobiscum insti-
tuta, Danis perniciosa evadere potuerit; in primis
cum e regione ubi incultæ propemodum atque ne-
glectæ jacebant artes, nihil tale facile exspectari po-
tuerit, quo genius vicinorum corrumperetur. Sed
præterea quoque observandum, naves Svecorum Ore-
fundam præternavigantes, raro in portus Danorum suas
direxisse puppes; simul vero onustas redeuntes, nec
magis merces suas per Daniam divendere potuisse;
cum, propter imbecillem artium statum, maximus
earundem in patria adhuc esset usus. Itaque cum non
a Danis penderet, quid in Svetiam portaretur, ne-
que mercaturam illicitam hic obtainere potuisse, facile
intelligimus. Nec vero ita circumspecte cum omni-
bus Svecorum navibus agebatur, quin ab aliis
etiam sine ulteriori examine vestigalia exigerentur.
Scilicet existimabant Dani, Livoniae Provincias, quæ
post pactum initum primum accesserant, sub commu-
ni immunitatis titulo haud esse comprehendendas (e).
Elegantem admodum sic nobis suppeditant argumen-
tandi methodum, qua admissa, ne sanctissima quidem
satis valida permanebunt fœdera. Etenim, ut taceamus
in communī pacto inter Regna inito, singulas quo-
que sine omni dubio comprehendendi provincias; haud du-
bitandum esset, juxta canonem illum modo memo-
ratum, nec Provincias atque Regiones, post fœdus i-
nitum acquisitas, sub pacis esse tutela, sed impune
& sine fœderis violatione pro lubitu posse vexari;

quo quantum communis periclitaretur mortalium securitas, quilibet, vel me tacente, percipit. Sed nec a proposito nostro alienum erit, naturam hujus pateti, cuius toties mentionem faciunt scriptores, paulo attentius considerasse. Quamvis itaque idem nullibi in extenso viderimus, tamen ex iis, quæ haud obscure innuit illustris Puffendorfius (*d*), non minus quam ex variis Principum Svecicorum, circa vestigalia edictis (*e*), tuto collimus, hoc reciprocum & ejus tenoris fuisse, ut utriusque Regni incolæ, in vel per ditiones populi alterius commercia exercentes, ab omnibus imminunes essent vestigialium oneribus. Hæc vero cum ita sint, novum certe controversiæ nostræ accedit lumen, atque cum Dani, in accessoriis his Sveciæ Provinciis, vi ipsius pasti, libere negotia sua perfidere potuerunt, ita Livoniæ quoque mercatoribus, reciproco suo jure omnino uti potuisse, salva æquitate contendimus. Ultero itaque jam Danis concedimus, quod tanto fervore a nobis postulare videntur, scilicet, Principi cuilibet licitum esse in id invigilare, ne quid juribus ejus injuste decedat; id tamen simul nobis concedi postulamus, Christiernum IV. ita semper suis usum juribus, ut nostra violare haud quam dubitaverit. Conferamus enim Svecorum Danorumque mutua commercia, atque mandata Christierni IV (*f*) cum edictis Christinæ (*g*) simul in contentionem veniant; certe palam erit, Principem hanc, commodis Regni sui intentam, nil nisi iustum & æquitati congruum decrevisse, illum vero in eligendis mediis, fini suo obtinendo idoneis, minus scrupulo-

pulosum fuisse. Quamvis vero adversarios eo usque reducere valeamus, ut veritatem eorum quæ a nobis jam monita fuerunt, saltem qua maximam partem, largiantur, nihilominus tamen pacem ab illis violatam fuisse hand concedunt; cum hæ injuriæ, privatis illatæ, sicut existimant, ipsum Regnum non adfligant. Cui libet autem dispiciendum relinquimus, quomodo esset demonstrandum, de singulis non valere, quæ ad omnes cives pertinere concedantur. Profecto, vexationes Danorum adeo fuerunt generales, ut nullis omnino amplius pepercerit Svecorum navibus. Quare, si vel maxime verum esset istud, quod modo memoravimus illorum principium, saltem vel tum causa privatorum publica evadit, dum ex illa integræ populi certa consequitur ruina. Denique quid est quod dubitemus, ex consuko mortale hoc vulnus commerciis nostris fuisse inflictum, cum non tantum aperte id probent ipsa rerum testimonia, verum insuper Cortficius Ulfeld, qui Regni administrationi, absente Christierno tunc temporis præerat, palam professus sit, rem brevi eo perventuram, ut ne unica quidem amplius Svecorum navicula, Oresundam adire audeat (*b*). Quæ quamvis eum, privatum omnino, minatum fuisse urgeant Dani (*i*), at tamen cum eventus verbis omnino respondeat, ita ut nullis omnino curis & impensis pepercerint Dani, quibus commercia nostra ad incitas redigerent; certe hac vice magnum pondus in verbis illius fuisse satis comptum est.

- (a) Puffendorf. Com. de Reb. Svec. Libr. XV. §. 78.
 (b) Vid. quæ copiose hanc in rem adfert Puffend. loc. cit.
 (c) Holb. Dan. R. Hist. T. II. p. 844. (d) Loc. jam supr. cit.
 (e) Vid. Stiermans Stad. och saml. i Commerc. T. I. & II.
 ubi in omnibus circa vectigalia edictis nominatim ab his
 oneribus excipiuntur Dani. (f) Puffend. loc. cit. (g)
 Stiermans saml. T. II. p. 93. (h) Puffend. Com. de R.
 Svec. Lib. XV. §. 78. (i) Holberg. Dan. Reg. Hist. T.
 II. p. 844.

§. V.

QUÆCUNQUE vero & qualiacunque sint, quæ a Da-
 nis Oresundæ perpetri fuerunt Sveci, utut sœ-
 deris pactorumque statutis contraria, potuerint tamen
 æquitatis specie qualitercunque obduci, utpote quæ
 propter frequentiam navium in ipsis locis interdum
 possent excusari; quod vero nocendi studium ubi ad
 alias quoque plagas pari ratione extenderetur, facile
 id gravius dixeris, quam ut æquo animo unquam fer-
 ri potuerit. Accreverat vero jam ita Danorum ar-
 roga[n]tia, in primis cum se in Svetia timeri existi-
 marent (a), ut nullum amplius modum Svecos læ-
 dend[i] statuerint, nec domi nobis molestias creare satis
 erat, sed mercaturam Svecorum in singulis maris
 Baltici portibus turbare nitebantur. Miserunt itaque
 naves armatas ad insulam Rudenam, quæ ex omnibus
 Svecorum navibus, hanc prætereuntibus, vectigalia
 exigenter. De ipso facto ubi quæstio fuerit, in ejus
 veritatem non minus Danici quam Svetichi Scriptores
 consentiunt; de jure autem ubi meritio instituitur,
 longe admodum a se invicem differunt. Holbergium
 quod

3 25

quod attinet, quem pro Datis verba facere libenter patimur, nihil tere ad eorum defensionem adfert, hic æque, ac alibi, ubi de juribus Danorum quæstio fuerit, tantum ipso generaliter adserens humanitatem, ut nullius unquam iura, nisi injuria prius lassessiti, migraverint (b). Quod cum ita sit, pergamus, quid pro vel contra, de hoc facto adferri queat, paulo attentius examinatur. Fecerunt itaque hoc Dani, & quid si jure factum est, vel ex dominio quodam maris, illis competente, veletiam propterea, quod singulari pacto ipsis ex his oris vestigalia deberentur. Prius quod attinet, dominium quoddam maris, quare est, nec existere neque existere posse omnes dum judicarunt saniores Politici: dominium vero maris, quatenus littora certæ cuiusdam regionis alluit, uti justum omnes norunt atque possibile, nütz nec nisi ad propria littora seculi extendit, adeo ut si alibi exerceatur, piraticæ potius, quam dominii nomine veniat, nisi aliud interea intervenerit pactum. Dispiciendum itaque jam nobis venit, num pacto quodam inter utraque Regna inito potestatem sibi acquisiverint Dani, peculiare hoc vestigalium genus a Svecis exigendi. Id vero quamvis nec ex actis publicis colligi queat, neque a Danis unquam tale pactum nominatum sciamus, tamen ex alio capite, se jus suum derivare posse, nulli dubitarunt. Scilicet commemorat Puffendorfius, eos his vexationibus, tanquam repressaliis, pro vestigalibus a Svecis Vismariæ certa occasione ab illis sumtis uti voluisse (c); simul urgentes, illis non constare, quo

D

jure

jure hic immunitate vestigialium Sveci gaudere possent.^a Observamus autem primo, quod si vestigalia a Danis Vismariæ sumferint Sveci, jure omnino hoc factum sit, cum regiones circumiacentes non minus quam ipsa urbs nostrorum parerent imperio, unde & necessario per exactam consequentiam tributa illis etiam deberentur; cum e contrario Danis nullum amplius jus in Pomeraniam competitret. Præterea si vel illud ponamus, utut in se absurdum omnino sit, haud intelligi posse cur a vestigalibus hic immunes essent Sveci, ubi tota jam in eorum potestate esset regio, attamen non inde adhuc sequitur, hæc tributa Danis solvenda fuisse, qui certe nullam vel speciem juris his exactionibus præferre possent. Accedit vero his omnibus vel inde tandem robur haud exiguum, quod cum commercia Svecorum in Pomerania, non ita lucri gratia gerrentur, quin potius ad victum & amictum militi Svecano acquirendum essent instituta, non potuerint non maximæ nobis creari molestiæ, ubi reliquis belli malis & hoc superacerderet, quod omnia, quæcunque ad exercituum usum requirerentur, injustis vestigalibus & rariora & cariora evaderent.

(a) Arckenholtz Memoires de Christine T. I. p^e

(b) Holberg Dannem. R. Hist. T. II. p. 833. (c) Com. de Reb. Svec. Libr. XV. §. 78.

§. VI.

Quemadmodum in regno naturæ variū occurserunt

runt eventus, quos hoc vel illo modo sese habere percipimus, atque his vel aliis motibus & mutationibus iterum occasionem præbere tuto colligimus, licet unde primam originem ducant hæc phænomena, certo affirmare non possimus; ita quoque in mundo politico non raro evenit, ut inimicitiae inter Principes, ventorum instar, repente oriantur, has excipient querelæ ab utraque parte acerbissimæ, mox læsiones & repressalia, donec tandem cruenta subsequantur bella; & tamen non raro fit, ut vires horum omnium motrices ultimæ ipsæque malorum scaturigines, quam plurimos mortalium lateant. Quod præsentem casum attinet, evolutas dedimus rationes, quibus permoti Sveci ad jura sua vi armisque defendenda, Hollsatiam invaserint; quod utut quantum fieri potuerit, satis ostensum esse existimemus, tamen nec ulli dubitamus, quemlibet qui debito ingenii acumine res expendere consvererit, in his fore desideraturum, ut absconditam belli causam, primumque inimicitiarum fontem detegamus. Neque vero de hac re amplius nos ambiguos esse patiuntur ipsa Danorum testimonia. Patentur vero illi, Christiernum IV. rebus Germaniæ perpetuo intentum, non nisi ægre tulisse ingentes Svecorum progressus, atque mediationem suam, toties oblatam, perpetuo rejici, eumque propterea ita curasse, ut Dux belli in Circulo Saxoniæ inferiori eligeretur, simul vero militem in Germaniam duxisse, navesque armatas sub Rudenam misisse, ut sic monstraret, suam mediationem

tionem haud esse contemnendam; atque hæc eo
 tandem egisse animo, ut vi partes belligerantes ad
 pacem sanciendam, jamjam adigeret (*a*). Singu-
 lares certe vel primo aspectu hæc fuerunt minæ,
 sed audiamus tamen rationes, quibus æquitatem
 earum probare annituntur. Bellicosa erat Svecorum
 gens, atque quid armata valeret, sæpius jam
 prostratis indicaverat hostibus, omnia simul in Ger-
 mania feliciter adeo gesserat, ut timendum esset,
 ne nimis suum dominandi ardorem, ubi ad pacem
 per ventum fuerat, extenderet, atque quod in pri-
 mis metuendum, Provincias quasdam, uti Pome-
 raniam, sibi vindicaret; quo non modo ambitiosis
 ejus consiliis latior concederetur campus, sed Dani
 quoque, ubi bellum inter utraque regna oriretur,
 duobus simul in locis vicinos hos repellere cogerentur
 (*b*). Hæc cum ita sint, sponte jam devolvimur ad illam
 quæstionem examinandam, num mediator alterutri
 vel utrique pacis centrum, ita pro lubitu conditiones
 pacis imponere possit, ut ad easdem recipendas vi et-
 jam, si alias noluerit, tergiversantem jure adige-
 re queat? Solvendus simul erit nodus ille Gordius,
 num scilicet metus sit justa belli caussa? Quem
 cum haud ita pridem satis, ut existimamus, enoda-
 vimus (*c*), in eo ulterius explicando multi esse
 nolumus, ad ipsam quæstionem cardinalem statim
 properantes. Notandum itaque omnium primo
 est, quod sicut Principes præter DEUM nemini
 agnoscant superiorem, sed in perfecta inter-
 se vivant libertate naturali, ita sponte sua cadit
 hæc

hæc mediatoris potentia, nisi talem singamus causum, ut dimicantes jus semet cogendi in mediato-rem transcripserint, atque sic arbitrum litis sumserint. Quod vero præfens jam attinet negotium, observamus, non minus Svecos, quam Austriacos iterum iterumq; mediationem Danorum recusasse, si- bique reservasse potestatem, rem armis dirimendi: quod cum ita sit, quale de moliminiibus Danorum judicium ferri debeat, cuilibet cordato decernendum relinquimus. Sed datur tamen & aliis casus, in quo usum armorum mediatori licitum esse, multi concedunt: quando scilicet alteruter belligerantium præfractæ adeo est frontis, ut missis omnibus æquitatis principiis, nulla amplius curet officia, sed ar- mis suis in perniciem aliorum perverse abutitur; tum enim non modo eum laedit, cui ea tempesta-te injuriam infert, verum simul omnia juris naturalis fundamenta convellendo, toti generi humano inimicum sese demonstrat, adeoque flagelli hujus furor oportune coërceri potest. Quam parum ve-ro hæc durities in Svecos quadret, quis, vel me tacente, non percipit? Etenim quamvis verum omnino sit, felicem adeo fuisse armorum eorum cursum, ut honestas pacis conditiones, merito sibi polliceri possent; multum tamen errabit, quicun-que tantam fuisse eorum potentiam sibi persuadet, ut omnia pro lubitu ab Austriacis exigere potuerint, quin potius ob vacillantem plurimorum fœderatorum fidem, lubrico adeo innixaæ sunt fundamento eorum res, ut maxima circumspectione o-

pus haberent, si sese conservarent, atque caverent, ne unico iectu simul & semel omnia in pejus ruerent. Præterea si par fuerat, bello prosequi Svecos, propterea, quod Provincias quasdam Germaniæ, in præmium liberati orbis Germanici sibi adsererent; scire cuperem, an æquum erat, ut qui maximis defuncti essent periculis, ingentes fecissent sumptus, atque vota omnium fere Protestantium implevisserent, nulla laborum ac victoriarum præmia reportarent. Non equidem negamus, nobiscum æque ac cum aliis populis tum actum fuisse, nisi tempestive laboranti Germaniæ auxilium tulisset GUSTAVUS ADOLPHUS; simul vero jure meritoque urgemos, quod quemadmodum Sveci, non tantum privatam sed publicam etiam causam gesserant, ita præter honorem vindicatae patriæ liberataeque Germaniæ, alio quoque simul brabeo, magnitudini rerum gestarum non admodum dissimili, compensari & indemnes præstari debuerint.

(a) Holberg. Dannemarks R. Hist. T. II. p. 832. ad 838. (b) Id. T. II. p. 836. & 37. Item Epist. Christ. IV. ad Petr. Vibe Glucsb. 27. Maj: Ded Kongerike Danmark wil komme i stor fare, om dy Swenske skulle erlange faadan Fred, som kommer dem til paa. (c) Vid. Dissert. de Äquilibrio Imperiorum P. Polit. §. VI.

§. VII.

HAETENUS res gestas Svecorum in Holsatia ex æquitatis potius, quam prudentiæ fontibus vindicavimus; certotamen persarsi sumus, omnem prudentiam politi-

politicam ad horum principiorum tenorem actiones suas dirigere. Etenim quemadmodum felicitatem rerum publicarum, in justa proportione jurium imperantis & civium merito collocarunt siores; ita quoque securitatem integrarum gentium in æquilibra principum potentia tutissimum habere præsidium, omnes largiuntur. Quemadmodum vero gravitatem corporum in unico punto, quod hanc ob causam centrum gravitatis vocatur, ita concentrari sibi concipiunt Mechanici, ut eo suspenso, totum quoque simul sustineatur corporis pondus; ita æquilibrium Europæ, in æquilibrio imperii Germanici ita fundari, ut unum sine altero neutiquam existere queat, multiplex & fida jam pridem docuit experientia. Sicut vero influxus, quem in communem Europæ statum habet imperium Germanicum maximus est, ita interna quoque ejusdem strætura non adeo firma, ut motibus satis gravibus facilime concipiendis, omnino ineptum foret. Si ve enim imperator, quem ut caput imperii merito consideramus, ad illud pervenerit potentiae fastigium, ut sumam potestatem vi sibi acquirere valeat, sive etiam membra quæcunque adeo valida evadant, ut, in imperii perniciem, rerum arbitros se constituere fatagant, in utroque casu summa i-mis miscebuntur, atque omnis non modo e Germania, sed ex integra ferme Europa, exsulabit pax atque securitas. Incommoda, quæ ex priori casu redundant, haud obscure probant horrendi motus, qui iis exstiterunt temporibus, quæ nostræ jam sunt conside-

considerationis. Imperatores namque ex domo Austrica orti, potentissimis Hispanorum auxiliis adjuti, opibus jam adeo valuerunt, ut ambitiosis eorum conaminibus reprimendis, membra imperii unita vix sufficerent, inter se vero dissidentia, extrema quævis exspectare cogerentur. Necesse itaque erat, si extra teli jactum collocanda esset Germaniæ securitas, ut oppressis auxilium ferrent vicinæ gentes. Hæ vero quamvis non minus proprio periculo, quam oppressorum precibus permoti, libenter id fecissent, magnis tamen, quæ ubique in Europa fuerunt, turbis factum est, ut præter Svecos, Gallos atque Danos nullus fuerit populus, qui opus tanti momenti susciperet. Ut vero Dani, rebus infelicitate gestis, post pacem Lubecensem ad Cæsaris partes accesserant, ita sub auspiciis duorum reliquorum res jam eo pervenerat, ut de pace universalis anhela sibi gratulari posset Europa, atque systema quoddam Politicum introduceretur, quo effectum, ut istud, quod omnes hactenus ita perterrefecerat, malum, vel nunquam existeret, vel saltem citius, si quando ingravesceret, iterum componeretur. Hunc vero in finem cum necesse esset, ut vicini populi sedulo curarent, ne quid injusti amplius susciperetur, quo infirmiores potentioribus prædæcedere possent; ita nec unquam efficacius ad hoc præstandum permoveri potuerunt extranei, quam ubi provincias quasdam Germaniæ tenerent, quibus membra ejusdem imperii constituerentur. Ponamus jam alterutri septentrionis regno, Svethiæ puta

putat vel Daniæ hanc prærogativam vindicandam
 esse, & tamen juxta prudentiæ regulas, eandem
 nobis fuisse concedendam, demonstrabimus. Scilicet
 in utroque casu provinciæ quædam Germaniæ ex-
 teris erant tradendæ, & effectus tamen idem utro-
 bique sperari non potuit; cum eadem adhuc su-
 peressent rationes, quibus factum esse ipsi fatentur
 Dani, quod res eorum infeliciter adeo cum Impe-
 ratore processerint (*a*). Sveci e contrario, jam par-
 tim potentia prævaluerunt, partim longa experien-
 tia intimum ipsius imperii statum cognoverunt, adeo
 que stabilem pacem Germaniæ præstare potuerunt,
 cuius fundamenta, nedum iis temporibus, quibus
 tutelam oppressorum in se suscipere haud valuerunt,
 quisquam convellere ausus est (*b*). His accedit,
 quod cum Galli, quemadmodum ipsi fatentur, lip-
 pis eo tempore oculis fortunam Svecorum aspice-
 rent, propterea quod nimis magna commoda, hinc
 sibi merito polliceri possent Protestantes (*c*), atque
 simul totum hoc bellum non modo eum in finem
 susceptum fuerat, ut fors oppressorum Protestantium
 mitior redderetur, verum etiam ut in justa Prote-
 stantium & Catholicorum æqualitate introducta, fun-
 daretur ipsum Germaniæ æquilibrium, ita non tan-
 tum hoc respectu tolerandum fuisset, si quod fue-
 rat nostrorum superpondium, verum etiam timen-
 dum erat, ne Dani, si totum hoc opus expedire
 voluissent, majus suscepissent onus, quam cui fe-
 rendo pares essent. Denique quid est, quod secu-
 ritatem Germaniæ, quondam aucta Svecorum po-
 tentia,

tentia, adeo in periculo fuisse quis existimet, cum haud ita pridem, exigente id publico bono, conjunctio-
nes Electoratum cum potentissimis Europæ impe-
riis haud recusaverint acutissimi Politici? Et venient
forte olim tempora, quibus plures adhuc demem-
brationes efficiet communis status ratio.

(a) Holberg. Dann. R. Hist. T. II. p. 734. (b) Ob-
servatio hæc anonym. est AuctoR. Libri cui titulus Histoire
du Siecle depuis 1648. jusqu' à 1748. (c) Videat. Epist.
Comitis de Brienne Secret. stat. in Gallia ad Legat. Gallorum
Romæ tunc degentem in Libr. Les Négociations d' Ar-
nauld Tom. IV. p. 102. item Mémoires & Negoc. Secr.
pour la Paix de Munster. T. I. p. 145. & 146. ibid. in-
strut, legatorum Galliæ T. I. p. 63. & 65.

§. VIII.

TOt tantisque argumentis convicti Dani, injus-
titiae forsan Majores nostros arguere desinent,
illud tamen juri gentium contrariari nihilominus
contentent, quod belli indictio ipsum bellum non
antececerit, sed irruptionem primum secuta sit i-
psiis Thorstensonii (a). More enim invaluit, inter
cultiores gentes, a remotissimis usque temporibus,
illud, quod jus faciale Romanis vocabatur, & quo
hostibus reparationem damni præfracta fronte recu-
fantibus, indicabant, se vi exposcere velle, quæ
ultra obtineri non possent. Sed quamvis non ne-
gemus, inesse huic mori multum magnanimitatis,
sic cum e contrario neminem inficias iturum cre-
dimus, quin dentur casus, ubi hæ ceremoniæ po-
pulo

pulo cuidam certam acceleraturæ sint ruinam, ita quoque quin eadem interdum, exigente ita reipublicæ statu, salva justitia & æquitate, omitti & possint & debeant, nulli dubitamus. Etenim cum omnis belli justitia, ab injuria, quam nobis adversa pars intulit, derivanda sit, adeo ut pars læsa a parte lædente reparationem damni vi exposcere queat; huic profecto juri nihil propterea decedit, quod ipsum propositum non antea declaratum sit. Quid? quod nisi hæc ita essent, concedendum omnino esset infirmiores a potentioribus impune lædi posse; cum, si illi hos, omnibus suis copiis instructos, aggredierentur, non tantum nullam injuriæ illatæ reparationem obtinerent, sed potius certam sibi accelerarent ruinam. Perpendamus vero jam circumstantias hoc bellum concomitantes, & facile apparabit in idem omnia ea quadrare, quæ jam a nobis allata sunt. Erat scilicet lubricus adeo Svecorum in Germania status, ut nihil tunc contra Danos efficere possent. Ponamus vero jam, eosdem statim, ac læsi fuissent, bellum minatos fuisse, certe eos contra omnes prudentia regulas egisse asservendum est; simul vero & officia erga semet ipsos neglexissent, in primis cum certo præviderent, Danos, nihil præter speciosam belli causam desiderare, quam tunc certe nacti fuissent maxime idoneam. Sed nec a Svecis omissa fuere, quæ necessario iustum bellum antecedere debent. Sæpius enim quærelas suas ad Daniæ Principem detulerunt, sapissime damni reparationem expostularunt, semper ve-

ro infectis rebus redeentes, non raro ignominias
 perpessi, contemtum cum injuria conjungi experti
 sunt. Præterea haud e re erit observasse, eum pro
 aggressore non semper esse habendum, qui primus
 arma capescit; cum sæpissime evenire soleat, ut gra-
 vissimæ læsiones, & reparatio injuriæ pertinaciter
 negata, jus bellum inferendi, etiam sine prævia de-
 claratione, ipsi concedant; inprimis si injuria eum
 in finem directe intentetur, ut ruinam alterius po-
 puli, nisi mature medela intervenerit, certe secum
 sit allatura. Horum si ad præsentem casum appli-
 catio fiat, facile apparebit, non Svecos, qui pri-
 mum arma ceperunt, sed Danos, qui iisdem ino-
 pinata adeo oppressi sunt, primum bellum orditos
 fuisse. Non equidem defuerunt, qui ex solo metu
 & suspicione, hos motus Svecorum suscep-
 tos fuisse iterum iterumque crepant. Sed quantum hi errent,
 facile quemlibet animadversurum confidimus, qui
 ipsam rem paulo attentius considerare voluerit.
 Quis enim meras suspicione vocabit atrocissimas
 læsiones, per vexationem navium nobis illatas?
 Quid? quod palam jam profecti essent Dani, se id
 agere, ut pro omnibus Svecorum sumtibus, quibus
 post triginta propemodum annos jam exhaustum e-
 rat regnum, exiguum pecuniaæ summam reporta-
 rent (b), atque, si per ipsos res stetisset, satis ha-
 buissent nostrates, si tot obtinuissent talenta, quot
 unius anni stipendio, mercenariis solvendo, vix
 sufficerent (c). Qua quidem ratione florentissimi im-
 perii spem uno iictu yanam efficere voluerunt. Sed

satis

fatis jam diu in re versati fuimus minus grata,
 ejus filum tractationis, quemadmodum non nisi
 recentissimorum Historicorum exemplis permoti, pri-
 mum suscepimus, ita nec nisi æquitatis studio ani-
 mati ad finem jam perdiximus; sortem posterorum
 felicem augurantes, quibus nil nisi gratissima sinceræ
 inter Svecos Danosqne amicitiae documenta memora-
 re dabitur; in qua prout felicitas utriusque populi
 tutissimum habet firmamentum, ita ut in per-
 petuam temporum seriem inviolata maneat.
 atque persistat, ex animo vovemus.

-
- (a) Holberg. Dannemarks Riges Histor. T. II. p. 842.
 (b) idem Libr. cit. p. 836. (c) vid. Aickenholtz Memoir.
 De Christine T. I. p. 118. in not.



Pereximio atque Praestantissimo,
Domino ANDREÆ TENGBLAD,
Amico Dilectissimo.

SVavius haud quidquam sinceri pectoris igne,
Quem niveus candor sustinet atque regit!
Ventorum furiæ consurgant, agmine facto,
Et nitidum Phœbum nubila densa tegant.
Munera distribuatque aliis fortuna per ampla;
Sed nobis contra tædia mille creet.
Cuncta libens subeo, dum sit mihi fidus amicus,
Dum sit cui pleno pectore cuncta loquar.
Ut sale non condita caro fastidia gignit;
Sic sine amicitia vita molesta foret.
Sive gravi interdum curarum mole premamur,
Fidus amicus adest, dimidiāmque gerit.
Sive etiam melior fors nostra incepta secundet,
Gaudia nostra nimis promovet alter ego.
Te cano, Mi TENGBLAD, dum scandis pulpita Phœbi,
Doctrinæ & nobis das documenta probæ.
Ingenii dotes, præclaros gratulor ausus,
Sincere & voeo prospera quæque Tibi.
Laurea ferta Tibi dexter sic reddet Apollo,
Quæ simul excipient præmia digna brevi.

Sic gratulari voluit
Tuus ex aſſe
JONAS BILMARKE